

Ugovorne strane:

Ministarstvo unutrašnjih poslova Kantona Sarajevo, sa sjedištem u ulici La Benevolencija broj 16, koje zastupa ministar Admir Katica, (u daljem tekstu: Ugovorni organ) i

ESTA d.o.o. Busovača, sa sjedištem u ulici Matice hrvatske bb, Busovača, ID broj: 4236022960006, koje zastupa direktor Tarik Talić (u daljem tekstu: Prodavac)

zaključile su:

UGOVOR

**za nabavku usluga periodičnog pregleda i ispitivanja radne sredine
za zimski period sa aspekta zaštite na radu
za potrebe Ministarstva unutrašnjih poslova Kantona Sarajevo, LOT 2**

Član 1.

Predmet ovog Ugovora je nabavka usluga periodičnog pregleda i ispitivanja radne sredine za zimski period sa aspekta zaštite na radu za potrebe Ministarstva unutrašnjih poslova Kantona Sarajevo - LOT 2.

Ugovor se zaključuje u skladu sa uslovima iz tenderske dokumentacije, odredbama Okvirnog sporazuma broj: 04-1-11-4-3464-6/25 od 24.10.2025. godine i stvarnim potrebama Ugovornog organa kao i ponudama Prodavca broj: 668-1/25 od 19.08.2025. godine/668-1/25 od 05.11.2025. godine i Izvještajem o toku i završetku e-aukcije koji čine sastavni dio ovog Ugovora.

Postupak nabavke je proveden na osnovu Odluke o pokretanju postupka nabavke broj: 04-1-11-4-3464/25 od 13.05.2025. godine i Obavještenja o nabavci broj: 1364-1-2-66-3-58/25 od 30.07.2025. godine.

Član 2.

Ukupna vrijednost ovog Ugovora bez PDV-a iznosi 7.810,00 KM (sedamhiljadaosamstotinadeset i 00/100 KM).

Cijene su fiksne i ne mogu se mijenjati za vrijeme važenja ovog Ugovora.

Član 3.

Ugovorni organ će ugovorenu cijenu plaćati u roku od 30 dana od dana isporuke i dostavljanju fakture.

Član 4.

Prodavac se obavezuje da ugovorenu uslugu izvrši u roku do 30 dana od pismenog zahtjeva Ugovornog organa.

Isporuka usluga se vrši prema prema potrebama Ugovornog organa, započevši najranije nakon potpisivanja ugovora. Dinamika kojom će se realizovati ispitivanja će se usaglašavati na osnovu broja lokacija na kojima će se pružati usluga, perioda potrebnog za realizaciju usluge i izradu zapisnika o izvršenom ispitivanju. Ugovorne strane će sačiniti terminski plan na osnovu kojeg će se realizovati ispitivanja na lokacijama.

Član 5.

Ukoliko poslije zaključenja ovog Ugovora nastupe okolnosti više sile koje dovedu do ometanja ili onemogućavanja izvršenja obaveza definisanih ugovorom, rokovi izvršenja obaveza će se produžiti za vrijeme trajanja više sile.

Viša sila podrazumijeva ekstremne i vanredne događaje koji se ne mogu predvidjeti, koji su se dogodili bez volje i uticaja strana u ugovoru i koji nisu mogli biti spriječeni od strane pogođene višom silom. Višom silom mogu se smatrati poplave, zemljotresi, požari, politička zbivanja, imperativne odluke vlasti i slično.

Strana u ugovoru koja je pogođena višom silom, odmah će u pisanoj formi obavijestiti drugu stranu o nastanku nepredviđenih okolnosti uz prilaganje odgovarajućih dokaza.

Član 6.

Prodavac nema pravo zapošljavati, u svrhu izvršenja ugovora o javnoj nabavci, fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala Komisija za nabavke, najmanje šest mjeseci po zaključenju ugovora, odnosno od početka realizacije ugovora.

Član 7.

Ovaj Ugovor stupa na snagu danom obostranog potpisivanja, zaključuje se na period od godinu dana ili do realizacije ukupnog ugovorenog iznosa.

Član 8.

Sva, eventualno sporna pitanja rješavat će se dogovorom, štiteći obostrane interese. U slučaju nemogućnosti zajedničkog rješenja, eventualno nastalog spora, spor će rješavati nadležni sud u Sarajevu.

Član 9.

Ovaj Okvirni sporazum izraden je u četiri (4) istovjetna primjerka, od kojih po dva (2) zadržava svaka strana.

PRODAVAC
ESTA d.o.o. Busevača

direktor, Tarik Talić

Datum: 12.12.2025.g.

Broj: 537/25

